



ს ა ქ ა რ თ ვ ე ლ ო
წყალთუბოს მუნიციპალიტეტის საკრებულო



განკარგულება:გ-49. 492536017

თარიღი:26/12/2025

არასამეწარმეო (არაკომერციული) იურიდიული პირის „წყალტუბოს მუნიციპალიტეტის ტურიზმის განვითარების საკოორდინაციო ცენტრი“-ს მიერ 2025 წლის I-II კვარტალში

გაწეული მუშაობის შესახებ

წყალტუბოს მუნიციპალიტეტის საკრებულომ მოისმინა ა(ა)იპ „წყალტუბოს მუნიციპალიტეტის ტურიზმის განვითარების საკოორდინაციო ცენტრი“-ს ანგარიში 2025 წლის I-II კვარტალში გაწეული მუშაობის შესახებ (თან ერთვის).

აღინიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის~ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს ა(ა)იპ „წყალტუბოს მუნიციპალიტეტის ტურიზმის განვითარების საკოორდინაციო ცენტრი“-ს ანგარიში 2025 წლის I-II კვარტალში გაწეული მუშაობის შესახებ.
2. ა(ა)იპ „წყალტუბოს მუნიციპალიტეტის ტურიზმის განვითარების საკოორდინაციო ცენტრი“-ს მიერ 2025 წლის I-II კვარტალში გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრადის ქ. №11).

თეიმურაზი ჭეიშვილი

წყალტუბოს მუნიციპალიტეტის საკრებულო-
საკრებულოს თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი



ანგარიში ა (ა)იპ „წყალტუბოს მუნიციპალიტეტის ტურიზმის განვითარების საკოორდინაციო ცენტრი“-ს მიერ 2025 წლის პირველ და მეორე კვარტალში გაწეული მუშაობის შესახებ

ა(ა)იპ „წყალტუბოს მუნიციპალიტეტის ტურიზმის განვითარების საკოორდინაციო ცენტრი“ ყოველწლიურად, საჭიროებიდან გამომდინარე ახორციელებს სარეკლამო ბროშურების ბეჭდვას, სარეკლამო მასალის განახლებას, რომლის განთავსებაც ხდება სხვადასხვა ტურისტულ ლოკაციებზე, შიდა და საერთაშორისო გამოფენებსა თუ ადგილზე ვიზიტორთათვის. წლის დასაწყისში აღირიცხა და განახლდა წყალტუბოში არსებული ტურისტული ლოკაციების ბაზა: დაცული ტერიტორიები, მუზეუმები, მარნები, ბალნეოლოგიური ცენტრები, განთავსებისა და კვების ობიექტები, რის საფუძველზეც დაიბეჭდა სარეკლამო ბანერები, ბროშურები, 3 სახის რუკა 150/180-ზე, ქალაქის არტ-რუკა. სამედიცინო ტურიზმის, კვებისა და განთავსების სივრცეები მუნიციპალიტეტის მასშტაბით დატანილი იქნა სპეციალურად დამზადებულ ბანერზე. აგრეთვე დაიბეჭდა 15/20 სმ ბროშურები სამ ენაზე. ტურიზმის სამსახურმა დაამზადა საახალწლო ბანერი, რომელიც საჩუქრად გადაეცა ოფურჩხეთის ადმინისტრაციულ ერთეულს.

ა(ა)იპ „წყალტუბოს მუნიციპალიტეტის ტურიზმის განვითარების საკოორდინაციო ცენტრის“ ადმინისტრაციული შენობა (ინოვაციების ცენტრი) წლის განმავლობაში დაგეგმილი ტრენინგ-სემინარების სრულყოფილად ჩატარებისათვის აღიჭურვა დამატებითი ტექნიკით (გამაგრებელ-გამათბობელი ტექნიკა, ყავის აპარატი და სხვა შესაბამისი საოფისე ტექნიკა).

ა(ა)იპ „წყალტუბოს მუნიციპალიტეტის ტურიზმის განვითარების საკოორდინაციო ცენტრის“ ორგანიზებით 2025 წლის 22 თებერვალს აღინიშნა გიდების საერთაშორისო დღე. ინდივიდუალური სასაჩუქრე ნაკრებები და სერთიფიკატები გადაეცა 30 ადგილობრივ გიდს, სხვადასხვა რეგიონების ტურიზმის სფეროს ხელმძღვანელებს დამსახურების შესაბამისად. ასევე ცალკე ნომინაციით დაჯილდოვდა ექვსი საუკეთესო გიდი. ღონისძიებას გარდა ადგილობრივი ხელისუფლების პოლიტიკური თანამდებობის პირებისა, ესწრებოდა თბილისის, ბათუმის, ქუთაისის, გორის და ლენტეხის თვითმმართველობების წარმომადგენლები. გიდების საერთაშორისო დღე წყალტუბოში აღინიშნება ყოველწლიურად.

2025 წლის 22 მარტს ტურიზმის სამსახურის ხელმძღვანელობით გაიმართა წყლის რესურსების დაცვის საერთაშორისო დღისადმი მიძღვნილი ღონისძიება დევიზით - „წყალტუბო, საქართველოს თერმული წყლების დედაქალაქი“, „ქალაქი, რომელიც ზრუნავს“. წყალტუბო, როგორც მოგესხენებათ 2019 წლიდან გახლავთ ევროპის ისტორიული თერმული ქალაქების ასოციაციის Ehhta-ს წევრი. აქცენტი გაკეთდა, რომ წყალტუბო იზიარებს ასოციაციის წევრი ქალაქების პრაქტიკულ გამოცდილებას და ხელს უწყობს ისტორიული მემკვიდრეობის დაცვა-განვითარებას. ღონისძიების ფარგლებში, წყალტუბომ უმასპინძლა კურორტოლოგებს, გარემოს დაცვის ექსპერტებს, დარგის პროფესიონალებს. გაიმართა დისკუსია წყლის რესურსების მართვის, თერმული წყლების პოტენციალისა და მდგრადი განვითარების საკითხებზე. ცენტრმა საჩუქრები

გადასცა სასტუმროთა ქსელ GM-ს, რომელიც სტუმარს სთავაზობს უმაღლესი ხარისხის სპა-მომსახურებას, ექიმ-კურორტოლოგებს, ადგილობრივ ბიზნესმენებს და ღონისძიების სპონსორებს (ღონისძიების სპონსორები გახლდათ: hotsale.ge, umi.com, medical.com, lugera.com)

2025 წლის 7 აპრილს ცნობილი კურორტოლოგის, მედიცინის მეცნიერებათა კანდიდატის, გელათის მეცნიერებათა აკადემიის საპატიო პროფესორის, წყალტუბოს კურორტოლოგიის ფიზიოთერაპიისა და რეაბილიტაციის ინსტიტუტის ყოფილი ხელმძღვანელის, დამსახურებული მედიკოსის, არაერთი სამეცნიერო ნაშრომისა და კვლევის ავტორის ოთარ შავიანიძის დაბადებიდან ასი წლისადმი მიძღვნილი საიუბილეო საღამო გაიმართა. სიტყვით გამოვიდნენ, პროფესორი ზაზა სოფრომაძე, პოეტი ერეკლე საღლიანი, პროფესორი გიორგი გოგოლაშვილი, ქ. ქუთაისის აკ. წერეთლის სახელობის სახელმწიფო უნივერსიტეტის რექტორი შალვა კირთაძე, ალერგოლოგიის ინსტიტუტის ხელმძღვანელი მანანა ჩიხლაძე, პროფესორი გიორგი გაბუნია, საქართველოს ეროვნული არქივის დირექტორი მერაბ კეზევაძე, პროფესორი მარინა შავიანიძე და ადგილობრივი ექიმ-კურორტოლოგები, რომლებმაც ოთარ შავიანიძის მიერ ბალნეოლოგიური კურორტის და მისი უნიკალური რადონული წყლების კვლევის საქმეში შეტანილი უდიდესი წვლილის შესახებ ისაუბრეს. ოთარ შავიანიძის საიუბილეო საღამო წყალტუბოს მუნიციპალიტეტის მერიის მხარდაჭერითა და ა(ა)იპ „წყალტუბოს მუნიციპალიტეტის ტურიზმის განვითარების საკოორდინაციო ცენტრის“ ორგანიზებით გაიმართა.

ა(ა)იპ „წყალტუბოს მუნიციპალიტეტის ტურიზმის განვითარების საკოორდინაციო ცენტრმა“ 2025 წლის პირველ და მეორე კვარტალში მნიშვნელოვანი მუშაობა გასწია ადგილობრივ თუ საერთაშორისო გამოფენებში მონაწილეობის მიღების და წყალტუბოს პოპულარიზაციის კუთხით.

2025 წლის 4-8 თებერვალს ცენტრის მმართველი, მუნიციპალიტეტის ხელმძღვანელობასთან ერთად წარმოადგენდა წყალტუბოს თურქეთში, ტურისტულ გამოფენაზე.

2025 წლის 22 თებერვალს წყალტუბო ასევე წარმოდგენილი იყო ცენტრის ხელმძღვანელის სახით, სვანეთის კურორტ მუაში, ბიატლონის ახალი კომპლექსის გახსნაზე.

მიმდინარე წლის 9-11 მაისს ბათუმში გაიმართა ტურიზმისა და სასტუმრო აღჭურვილობის მე-16 საერთაშორისო გამოფენა Ebit-2025, სადაც მონაწილეობა მიიღო ა(ა)იპ „წყალტუბოს მუნიციპალიტეტის ტურიზმის განვითარების საკოორდინაციო ცენტრმა“ წყალტუბოს ადგილობრივი სასტუმროების წარმომადგენლებთან ერთად.

26-28 მაისს ტურიზმის ცენტრი და ადგილობრივი სასტუმროების წარმომადგენლები იმყოფებოდნენ ყაზახეთის ქალაქ ალმათში, ტურიზმის საერთაშორისო გამოფენაზე.

3-7 ივნისს ტურიზმის ცენტრის ხელმძღვანელი წყალტუბოს მუნიციპალიტეტის მერთან ერთად იმყოფებოდა უნგრეთის დედაქალაქ ბუდაპეშტში, ტურიზმის საერთაშორისო კონგრესზე მონაწილეობის მისაღებად, რომელიც გაიმართა ევროპის ისტორიული თერმული ქალაქების ასოციაციის Ehhtas-ს მიერ.

12-14 ივნისს თბილისში გაიმართა სამედიცინო გამოფენა (სამედიცინო ტურიზმის მიმართულება), სადაც მიწვეული იყო ა(ა)იპ „წყალტუბოს მუნიციპალიტეტის ტურიზმის განვითარების საკოორდინაციო ცენტრიც“.

ა(ა)იპ „წყალტუბოს მუნიციპალიტეტის ტურიზმის განვითარების საკოორდინაციო ცენტრის“ მიერ საანგარიშო პერიოდში დაორგანიზდა რამდენიმე ტრენინგ-სემინარი:

2025 წლის 17 იანვარს ცენტრის ადმინისტრაციულ შენობაში (ინოვაციების ცენტრი) გაიმართა მომავლის პროფესიების შემსწავლელი კურსები იდეარუმის აკადემიასთან თანამშრომლობით. გადამზადდა 15 მოსწავლე „Front-End დეველოპმენტის, მოუშენ დიზაინის და ვიდეო მონტაჟის მიმართულებით.

2025 წლის 2 მარტს ტურიზმის ეროვნული ადმინისტრაციის ფარგლებში ჩატარდა ტრენინგი „ჰიგიენა და სურსათის უვნებლობა“;

2025 წლის 28 მარტს ტურიზმის ეროვნული ადმინისტრაციის ფარგლებში ჩატარდა ტრენინგი „მარკეტინგი და გაყიდვები“;

ა(ა)იპ „წყალტუბოს მუნიციპალიტეტის ტურიზმის განვითარების საკოორდინაციო ცენტრი“ ხშირი პერიოდულობით ამზადებს და აახლებს სასაჩუქრე პაკეტებს წყალტუბოს სიმბოლიკით, რომელიც ასევე მოიცავს ცენტრის მიერ წლის განმავლობაში დაგეგმილი ღონისძიებების კალენდარს. აღნიშნული პაკეტები გადაეცემა როგორც ქალაქის სტუმრებს, ასევე საერთაშორისო გამოფენებში მონაწილე სხვა ქალაქების წარმომადგენლებს. ცალკე პაკეტად შეიქმნა ლოგო სასაჩუქრე ნაკრებთან ერთად, როგორც მეგობრობის სიმბოლო და გადაეცა წყალტუბოს დამეგობრებულ ქალაქებს.